

## Paerewa Paetae

<b>Aronga</b>	Hauora 3.6		
<b>Ingoa</b>	Te āta tātari i te pānga mai o te tuakiri ki te oranga tangata		
<b>Kaupae</b>	3	<b>Whiwhinga</b>	4
		<b>Aromatawai</b>	Ā-roto
<b>Marau akoranga</b>	Te Marautanga o Aotearoa		
<b>Kokonga akoranga</b>	Hauora – Wāhanga Ako		
<b>Mana rēhita</b>	Kua rēhitatia	<b>Te rā i mana ai</b>	17 Whiringa-ā-rangi 2016
<b>Te rā e arotakengia ai</b>	31 Hakihea 2020	<b>Te rā i puta ai</b>	17 Whiringa-ā-rangi 2016

### Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

*Tangata, Huatau o te Whanaungatanga*

1 *Ka āta tātari i te pānga mai o te tuakiri whaiaro, te tuakiri ā-iwi, me te tuakiri ā-motu ki te oranga o te tangata.*

*Waiora, Kai*

1 *Ka āta tātari i ētahi take hauora o te ao whānui, me te whakapuaki whakaaro mō te pānga mai o aua take ki te oranga tangata me te uri whakatipu.*

E hono ana ki te Papa Whakaako mō te Hauora kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

<p><b>Paetae</b> Te āta tātari i te pānga mai o te tuakiri ki te oranga tangata.</p>	<p>Hei tohu i te paetae:</p> <ul style="list-style-type: none"> <li>• Ka whakamārama i te hiranga o te tuakiri ki te oranga tangata.</li> <li>• Ka taunaki i ngā whakaaro.</li> <li>• Ka whakaemi i ngā whakaaro kia puta ai he whakataunga.</li> </ul>
<p><b>Kaiaka</b> He kaiaka te āta tātari i te pānga mai o te tuakiri ki te oranga tangata.</p>	<p>Hei tohu i te kaiaka:</p> <ul style="list-style-type: none"> <li>• Ka whakamātau i te hiranga o te tuakiri ki te oranga tangata.</li> <li>• Ka whakamahi i te taunakitanga hei tohe i te kaupapa.</li> <li>• Ka whakaraupapa i ngā whakaaro kia puta ai he whakataunga mārama.</li> </ul>
<p><b>Kairangi</b> He kairangi te āta tātari i te pānga mai o te tuakiri ki te oranga tangata.</p>	<p>Hei tohu i te kairangi:</p> <ul style="list-style-type: none"> <li>• Ka āta matapaki i te hiranga o te tuakiri ki te oranga tangata.</li> <li>• He nanakia te whakamahi i ngā taunakitanga me ngā tauira hei tohe i te kaupapa.</li> <li>• Ka whakaraupapa i ngā whakaaro kia puta ai he whakataunga mārama, whakapakepake hoki.</li> </ul>

**Kōrero Āpiti**

E whai ake nei ngā whakamārama o ngā tino kupu, kīanga rānei:

āta matapaki	Ko te āta wetewete, āta kōrero i tētahi kaupapa me ngā tauira tautoko, tauira turaki hoki.
oranga tangata	Te oranga hauora o te tangata, te whānau, te iwi rānei.
tuakiri	Ko te tuakiri whaiaro (o te tangata), te tuakiri ā-iwi, te tuakiri ā-motu rānei.
tohe i te kaupapa	Ko te whakamahi i ngā pūkenga whakataurite, whakatauario, arohaehae, whakamārama hoki, hei whakaatu i ngā tirohanga rerekē, i ngā kōrero whakaae, whakahē rānei mō tētahi kaupapa.

**Kuputaka:**

arohaehae	critique
hiranga	significance
tauira tautoko	examples that support an argument
tauira turaki	examples that undermine an argument
tuakiri ā-iwi	cultural identity
tuakiri ā-motu	national identity
whakapakepake	persuasive, convincing
whakataurite	compare
whakatauario	contrast

---

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233